

საქართველოს ეკონომიკისა და მდგრადი განვითარების მინისტრის

ბრძანება №1-1/73

2026 წლის 11 მარტი

ქ. თბილისი

„ელექტროენერჯის (სიმძლავრის) ბაზრის წესების დამტკიცების შესახებ“ საქართველოს ენერჯეტიკის მინისტრის 2006 წლის 30 აგვისტოს №77 ბრძანებაში ცვლილებების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის თანახმად, ვბრძანებ:

მუხლი 1

„ელექტროენერჯის (სიმძლავრის) ბაზრის წესების დამტკიცების შესახებ“ საქართველოს ენერჯეტიკის მინისტრის 2006 წლის 30 აგვისტოს №77 ბრძანებით დამტკიცებულ „ელექტროენერჯის (სიმძლავრის) ბაზრის წესებში“ (www.matsne.gov.ge, სსმ, №117, 31/08/2006, სარეგისტრაციო კოდი: 300.300.000.22.025.009.162) შეტანილ იქნეს ცვლილება და დაემატოს შემდეგი შინაარსის 59-ე მუხლი:

„მუხლი 59. ელექტროსადგურის მფლობელი პირის, ექსპლუატაციაში მიღების მიზნით ელექტროსადგურის საცდელი გაშვების ან/და კომპლექსური გასინჯვის პერიოდში, საბითუმო ვაჭრობაში მონაწილედ რეგისტრაციისა და რეგისტრაციის გაუქმების დროებითი წესი

1. ელექტროსადგურს, რომელიც 2025 წელს რეგისტრირებული იყო საბითუმო ვაჭრობაში მონაწილედ ექსპლუატაციაში მიღების მიზნით ელექტროსადგურის საცდელი გაშვების ან/და კომპლექსური გასინჯვის პერიოდში, ამავედროულად, მისი სიმძლავრიდან გამომდინარე, ექვემდებარება საბითუმო ვაჭრობაში მონაწილედ კვალიფიციურ საწარმოდ, როგორც წარმოების ლიცენზიატი, რეგისტრაციას და ამ წესების 4¹ მუხლით დადგენილ ვადებში, მისგან დამოუკიდებელი ობიექტური მიზეზ(ებ)ის გამო, ვერ დაასრულა საცდელი გაშვება ან/და კომპლექსური გასინჯვა, უფლება აქვს, ამ წესების 4¹ მუხლით დადგენილი წესის შესაბამისად მოითხოვოს ექსპლუატაციაში მიღების მიზნით ელექტროსადგურის საცდელი გაშვების ან/და კომპლექსური გასინჯვის პერიოდში საბითუმო ვაჭრობაში მონაწილედ რეგისტრაცია.

2. წარმოდგენილი დოკუმენტაციისა და საბითუმო ვაჭრობაში გამოსაყენებელი აღრიცხვის კვანძების შემოწმება ხორციელდება ამ წესების 4¹ მუხლის შესაბამისად. იმ შემთხვევაში, თუ წარმოდგენილი დოკუმენტაცია შეესაბამება ამ წესების 4¹ მუხლით დადგენილ მოთხოვნებს და აღრიცხვის კვანძების შემოწმების აქტით დასტურდება მიღება/მიწოდების პუნქტებში არსებული საანგარიშსწორებო მრიცხველების გამართულობა, ელექტროენერჯეტიკული ბაზრის ოპერატორი განახორციელებს პირის საბითუმო ვაჭრობაში მონაწილედ რეგისტრაციას არაუმეტეს 90 კალენდარული დღის ოდენობით.

3. ამ მუხლის შესაბამისად საბითუმო ვაჭრობაში მონაწილედ რეგისტრირებულ პირს რეგისტრაცია გაუუქმდება ამ მუხლის მე-2 პუნქტით განსაზღვრული ვადის გასვლის ან პირის იმავე ელექტროსადგურის ნაწილში წარმოების ლიცენზიატად – კვალიფიციურ საწარმოდ რეგისტრაციის შემთხვევაში, ამ გარემოებებიდან რომელიმეს დადგომის დღიდან.“.

მუხლი 2

ეს ბრძანება ამოქმედდეს გამოქვეყნებისთანავე.

საქართველოს ეკონომიკისა და
მდგრადი განვითარების მინისტრი

მარიამ ქვრივიშვილი

